

США – се пачаликъ сабира?

Иш статья нушани хяндурбарибтира, нуша агарси мерлаб, масала Америкализиб имцякъ гяхиси саб или гъанбиркути бучантас. Бахъал лебти саби, чули халаси къайгъи бирути, чула ватан батурли, ита арбукъес хьулбиклүти. Чусра гъанбиркур илар чула лерил хьулани детарар или,

амма бархъдеш илгъуна сабира? Нуша бурсидиублира телевизорличир, кинбазир чедиахъути лерил секлайчи дирхкарес. Нушаб гъанбиркур, ил пачаликъ – Америка дунъяличис Алжана саб или. Бархъдеш биалли илгъуна сабил чумати хлисатбачи хердилзехле.

США – дунъяличиб 1-эси мерличиб саби туснахъибала шайчиб. Илабад бахъал туснахъиби дунъяла къакъличиб чинабалра агара, декларабаресра хляжатбиркур, илдачил хукумат клангили хебирар, хукуматли каби захъурси приказличибли туснахъуназир гъазабти асударибти сари.

США – дунъяличиб наркотикуни дужнила шайчиб 1-эси мерличиб саби. США – дунъяличиб 1-эси мерличиб саби гомосексуалистунала шайчиб, илала дурабадра вайти кинби кайсахъути мурул адамтира хьунул адамтира (порноактеры) беглара бахъал илаб саби.

США-лизиб кавшнила тамбихли лебси саб, илала дурабадра, ил тамбихличи илаб балугъла хебаибтира лайкъбирути саби. Пергъити 10 дуслу бухнаб, лебил дунъяличиб кабушнила тамбихличи лайкъбарибти, балугъла хебаибти дурхназибадди хябал бутгала клел бутга США-лизиб саби.

США – 1-эси мерличиб саби военный бюджетла шайчиб. Илбагъанданра илди чула «демократия» лебил дунъяличиб тинтбарес къайгилизиб саби.

США-лизиб лебил нудъяла агъула 5% халкъла хербирути саби, амма дунъяличиб лебти лебил серийный убийцуни 75% Америкализибти саби.

США – 1-эси мерличиб саби халкъла някъбазирти ярагъла шайчиб. Ил пачаликъра саби беглара дебели халкъличи зулмуртази гелабикиси.

США-ни, Сомалинира, Южный Суданлираван биштлатала хекъани датахънила декларация къулбас барибси ахлен.



США – 1-эси мерличиб саби биштлатачи зулмуртала шайчиб. Пергъести 10 дуслу духлар америкализиб 4-нали имцякъ биштлати бебкиб Иракълизибра, Афганистанлизибра бебкибгачиб. Илди бебкнира, 78% биштлатачи херуди батнилизирад детаурти сари.

США – 1-эси мерличиб саби биштлатачи бубкүли саби, илдазибадди 80% 5 дуслу гямруличира абиркули ахлен.

Ишбархилизиб США-ла леб 3 миллион биштлати хьулибад бебшибти.

США-ла халкъла 40%, яра гъар 5-эси мурул адам, яра гъар 5-эси хьунул адам, 9 дуслу гямруличивад, 12 дуслу гямруличибикайчи зинала зулмуртачи черкъубси сай.

Гъар 10 секундлизиб США-лизиб сообщение башар виштласиличи, яра чумилра биштлатачи зулму барнила.

США-лизиб гъар бархи 5 биштлати

СТР 7

Машгурси «Зульфакъар»

«Зульфакъар» - ибси уличил машгурбиубси шушка, ит баягъила шушка саби, Идбагли Пяли асхляблис пешкешбарибси, бурни хлясиблира ишбархилизиб ил машгурси шушка Стамбуллизибси Топкапла музейлизиб леб.

Нушани интернетлизиб «Зульфакъар» ибси гъай белкххелли, илар дахъал суратуни ляркъян клиркаиубси хъарла бегл шушкала, нушазибаддира имцалинталара, «Зульфакъар» клиркаиубси хъарла бегл шушка саб ибси пикри бирар, илра нушани сунела уличибадди лайкъбирехле. Амма ил пикри бархъси ахлен, «Зульфакъар» - ибсила мягна саби, къакълал чалала (позвонки) бегл. «Зуль» - ибси девли беглдед ибсила мягна иргъахъу, клел нурла вегл Пусман асхляблис «Зу-ан-нурайни» ирули бири, гякълу чевси, духуси адамлис «Зуль гякъли» ирули бирар, ва ихкъайдали. «Факъар» - иру адамла къакъла чалалис (позвонки), их шушкалисра их у бедибсири илала къакъ шалиличир адамла къакъла чалаличи мешударили делкунти лерни багъандан, илала хъар клирка бирни багъандан ахленри.

СТР 7

Хуни се архулри Аллагъла ﷻ гъала?!!!

Аллагъли ﷻ ну дила нешла канилав аклахъубра, нуни силра балуси аги, нуни силра барес вируси аги, амма Аллагъли ﷻ дила нешла урклилаб наб зарал хебарни ибси беглара гъалб чебиан бариб. Илнин наб зарал баресигъуна секлал бучкули ахленри, наб зарал баресигъуна секлал бирули ахленри. Илкъайдали ну нешла канилав 9 баз Аллагъли ﷻ вархъхетули айкъурра.



Ну нешлис гъаман диргалаулхъаси, гъаман къиянулхъаси, амма Аллагъли ﷻ илала урклила кабихъибси набчи дигили, лерил секлал чесиб. Дила замана дикибхели ну дунъяла шалаличи дураухъунра. Ну виштласи адам сайри, ну къашмачи тлашизес вирули ахленри, нуни силра бурес балуси аги, нуни силра барес вируси аги, пикриухъалли дила анцбукъ абикибси адам сайри. Амма Аллагъли ﷻ дила неш-дудешла урклила диги кабихъиб, илдасра набчиб глехлерси силра аги.

СТР 6

Лавашала шилизиб Дагъиста Гъалимтала мажлис бариб



СТР 2

«Агара нушаб шафагъят бируси юлдашра!!!»



СТР 3

«Урчи лебси хьули шайтан бухнахебулхъан»



СТР 6

Лавашала районла, Лавашала шилизиб Дагъиста Гялимтала мажлис бариб



Лавашала районла Лавашала шилизиб февраль базла 6 бархи, «Ислам – цадешла, узидешла, бархбасла дин» ибсилчи лайкбарибси гялимтала мажлис бариб.

Гядатли бетаурливан мажлис Къуръа аятуначибли бехибихиб. Мажлис бикуси сайри б/ф «Инсанла» гинеральный директор Казим – хяжи Темирбулатов.

Илра гяланачи деклар-декларти мераначибад бакибти халкычи саламла гяйличил дугъавизур.

Дагъиста муфтиятли, Дагъиста южный территориальный округла (Дербентла шалила) халалгуна варили катурси Магъди – хяжи Абидовла вягъза Аллагъли ﷺ гибти нигматунас шукрулис хасбариллири. «Ахлerti динла узбира, рузбира, нушачиб чебла саби Аллагъли ﷺ нушаб лугути, дазу агарти нигматунас, Аллагъли ﷺ нуша, лебил идбагунни бетагъс хьулбиклули калунси Мухлямадла ﷺ умматла дарнилиш шукру барес чебла саб», или декларбариб Магъди – хяжи Абидовли. Ахъушала районлара, Ахъушала шилара имам Гябдуллагъ – хяжини

декларбариб, бусурман адамлис, дунгъяла чиди гянзилав виаллира гяхлси габигътиличивли декларалхъес хяжатбирни.

«Нушала Идбаглира ﷺ дахъал хядисуназиб бурули сай адамла гяхлси габигътиличила», - или иб Гябдуллагъ – хяжини.

Хял-габигъти гяхларнила хяжатдешлила буриб, Мяхлячкъалала шагъарла, Редукторный поселокла имам Мухлямадшамиль – хяжи Мирзаевли. Бакибтала гъалаб вягъза бурули дугъавизур Дагъиста муфтийла цаеси заместитель Мухлямадрасул – хяжи Саадиев, сунела насихлятилизибра илини декларбариб: «Ислам – узидешла, цадешла, дигила, сабурула, гяхлти хял-габигъти дин саби. Адамла гямрура, итала масра, багъара Исламлизир гъариллис хярамти сари. Гямрула мурад аргъес вирад Пабаранини буруси ца хядисличи лекхизалли: Аллагълис ﷺ вегъларла дигуси лагъ адамтас вегъларла пайдалачевси сай».

Уллагъяла шилизивадси, мадрасала мударис, Мирзахяжи Мухлямадовли сунела насихлятилизиб декларбариб:

«Нушала заманализир, гъар секлал асудигни гямрула гяхлар-къяйда беткаури саби, бархъдешра, адабдешра рахлила даргес къяиндхъи сари, хялал-хярамла ургарти дазурбира дегъубли сари. Исламлизиб биалли, дегълара хяжатти хъарбаркъуназибадди саби хялал-хярам декларадарни».

Лавашала районла глава Мухлямадхяжи Мухлямадовли баракаллагъ багъахъур Дагъиста Муфтиятла шайчибадди бакибтас, мажлисбарахъескумекбарибтас, лебил бакибтас, лебил цалабикибтас. Пурра Мухлямадхяжи Мухлямадовли ихтигуна мажлисунала хяжатдеш декларбариб: «Нушазивадли гъарилли иш мажлисличир дакъибти духили хъулиб калунтази дуралли, нушала уркъибазибси иман гъаттира имцлабирар, нушара Аллагъличи ﷺ гъамдирехле».

Дагъиста муфтий Ахлямад-хяжи Гябдулаевличирад, Уркъи-уркъиларадти саламла гъай цалабикибтази дурадеркъиб муфтийла заместитель Ахлямад-хяжи Кахаевли.

«Ахлerti узби, гяланачи хушачи

даахъес дигуллира Дагъиста муфтий, шейх Ахлямад-хяжи Гябдулаевла саламти, ассаламу гяляйкум ва ряхлямуллагъ!

Пур набра хушачи дугъавизес дигуллира ишар дурибти гялимтала лерил гъайличи лекхизахъес, ва хушала хял-габигъти гяхларес къайгъилизи дикахъес, иличибли лебил дунгъяличиб бусурмантачила пикри гяхлбарахъес.

Дагъиста муфтиятла уличибадди лебил цалабикибтази баракаллагъра багъахъес дигулла ишгуна гяхлси мажлисличир бутлякъяндеш дарнилиш».

Дагъиста муфтиятли халаси баракаллагъ багъахъур Лавашала глава Мухлямадхяжи Мухлямадовлис, мажлис барнилилизир бутлякъяндеш дарнилиш, ва шейх Ахлямад-хяжилчирадди памятный савгъни пешкещдариб.

Мажлиса таманбариб джамагътилизир хлерила дехлбала дарниличибли.

Нушанира декларабирехле, мажлис ахъси даражалиб бариб, илгуна мажлисра Лавашала районла агъулис халаси байрам бетаур.



Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Мухаммад ДАВУДОВ

Главный редактор

Азиз МИЧИГИШЕВ

Редактор

Асхаб ДЖАРБАЕВ

Канонический редактор

Мухаммад ДАВУДОВ

Корректор

Асхаб ДЖАРБАЕВ

Дизайн, вёрстка

Мухаммад МУСАЕВ
Иса ОМАРОВ

Менеджер

Абдусабир АХМЕДОВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ _____

Сдано в печать 15 февраля 2016 г. в 20:00

Тираж 2 750 экз.

Адрес редакции

367015, РД, г. Махачкала, ул. Аскерханова 13а.

Телефоны:

Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.

е-mail: assalamweb@gmail.com; www.assalam.ru

«Агара нушаб шафагІят бируси юлдашра!!!»

Юлдашдеш адамла лебси бегІлара халати нигІматуназибадди саби. Юлдашра цацахІли узиличив гЪамси адам вирар. Идбаглира ❁ хІядисуназиб, гІялимтала вягІзуртазиб буруливан нушани нушала юлдашунас кЪулукЪ бирес хІяжатси саб. Юлдашунира жура-журала бирар. СегЪуна адамличил юлдашдеш дирхІеллира илизибадди нушала дунЪялисра ахиратлисра халаси декІардеш лебси саби.

«Агара нушаб шафагІят бируси, нушачи уркІеци бареси юлдашра агара» (мягІна), - ибси аятла мягІнала хІекЪлизиб ХІясануль Басрилизи ❁ хЪарбаиб. ХІясануль Басри ❁ викар: «Ил бетаруль КЪиямала бархІи, Алжанала агЪу Алжанализи бухІнабухЪунхІели, ЖагЪаннабла агЪу ЖагЪаннаблизи бухІнабухЪунхІели. Алжанала агЪулизивадси ца адамли хЪарбиу дила пулан юлдаш чинава, дила мякъланси, набчил вархси чинава, нуни ил нушачил варх Алжунтазив варгес вирули ахІенрагу или. Илизи иру ил ЖагЪаннаблизив сай или. ИлхІели ил АллагЪличи ❁ дугЪавизурли викар: Я дила АллагЪ! Алжанализиб Дила лазат (наслаждение) таманли хІебирар мякълан дила пулан юлдаш агарли. АллагЪлира ❁ ил адамлизи хЪарбиру сунела юлдаш ЖагЪаннаблизивад дурасахЪили сунечил варх Алжунтази хЪуравархЪес. Илинира сунела юлдаш ЖагЪаннаблизивад дураибхІели, гІязабла агЪуни хЪарбиу ит адамлиси ил шафагІят барибал, чили ит дураибал, итала гІяхІти гІямулти лертирил,

итала дудеш шагІид сайрил, итала узи шагІид сайрил, итис идбагунани яра расултани шафагІят барибал, чили итис шафагІят барибал. Илдази иру илала чули хЪардаибтазибадди силра аги, амма итис шафагІят бариб итала гІяхІси юлдашли или. ИлхІели илдани иру: Агара нушаб шафагІят бируси, нушачи уркІеци бареси юлдашра агара, нушабра дунЪяла гІямруличи чардхЪес тяхІяр биаллири нушара гІяхІтазирадди детархІери (мягІна).

ПяхІтазирадди детархІери ибсила мягІнара ХІясануль Басрини баянбуруливан, гІяхІти адамтачил дарх юлдашдеш дирехІери ибси саб. ИлбагЪандан, гІяхІти адамтачил, делчІунти гІялимтачил мурталра юлдашдеш дарес имкан хІебиаллира, илдачил барх камси заманалра буркІес, илди багЪес, илдази вегІ вагЪахЪес кЪайгЪи барес хІяжатбиркур.

ИлкЪайда вайти адамтачил юлдашдеш дарибсира разихІеркур, гІярусла буралара лебси саби: «ХІуни набзи хІела юлдаш чеваахЪа, нуни хІу че сайрил бурисра», ибси. Вайси юлдаш виалли имцІалин итичи мешувиркуси сай, ил багЪандан юлдаш гІяхІил декІараварес хІяжатбиркур. «БугЪятуль мустаршидин» - бикІуси жузизир дурхЪаси табигІин ХІясануль Басрила 8 журала адамтачил юлдашдеш дарнила гЪай дурули сари. Илданира чебиахЪули саби сегЪуна адамтачил нушани замана буркІехІеллира, итизибадди дигахЪу нушани пайда кайсехІел, зарал кайсехІел. ХІясануль Басри викар: «8



журала адамтачил бархбас буцибси адамлис, АллагЪли ❁ илизир 8 илдачи лайкЪдиубти секІал дакІудир:

1. Давлачбти адамтачил вархвиркуси адамлизиб АллагЪли ❁ дунЪяла масличи диги имцІабир.
2. Мискин-пакьиртачил вархвиркуси адамлизиб, АллагЪли ❁ сунес дедибти нигІматунас шукру имцІабирар.
3. Пачаличил вархвиркуси адамлизиб пахру, сунечи сунела диги имцІабирар.
4. ХЪунул адамтачил бархбас лебси адамла шагЪватра, адаб агнира дакІудирар.
5. БиштІатачил барх замана буркІеси адамла разидеш, дукелци имцІадирар.
6. БунагЪкартачил вархвир-

куси адам бунагЪуни дирес чІумавирар, ва тавбу гІелайзи ардиху.

7. ГІяхІти адамтачил юлдашдеш дуцибсила, АллагЪлиси ❁ гІибадатлизиб диги-хЪул имцІабирар.

8. ГІялимтачил дарх юлдашдеш дуцибсила гІилмура имцІабирар, ил гІилмуличиб гІямал бирнира имцІабирар». Юлдашуначил дарх цаладикили, хІярамра бирули, бугЪтан-гЪибатра кабиркули, илди юлдашуназивра ил секІайчи кЪаршидеш дируси агара виалли илди гІяхІти юлдашуни ахІен, илдачил бархси мажлисра шайтІа мажлис саби. БунагЪ бирухІели, адаб балтхІели ил гІебурци, илис гЪатІралра кумек бирусира гІяхІси юлдаш

ахІен, нушала гІякЪулизив сецад гІяхІси виаллира. БунагЪ хІебирусилизи юлдаш сайра или бунагЪ бирахЪуси виалли, ит иблисла юлдаш сай, итала хІянчи бузахЪуси сай.

Юлдашдеш дехЪесгу илира урухІекІули, сунечи гІяйЪиб биругу илира урухІекІули вайси батахЪес гЪайвиІуси, гІяхІси барахЪес узуси юлдаш биалли ит гІяхІси сай, илгЪуна юлдашла дяхІла хІеризурли, АллагЪ ❁ багЪандан гЪинчІвяхЪни 60 дула кЪабулбарибси гІибадатличи цугбиркур или хІядисуназибра леб. АллагЪли нушаб тавфикЪ бараб гІяхІти адамтачилра, гІялимтачилра юлдашдеш дучахЪес! Амин.

фикир тув

ВиштІаси дурхІялагЪуна иман

Пакистанлизиwad ца гІялим адам МухІяммад идбагла ❁ хІябличи зиярат барес кЪасличил мадинализи вакІиб. Илра, Мадинализибси Идбагла ❁ мижитла алав кЪунзвикІулири, мижитла мякЪла кадирути лагЪнас кЪацІ бибгІян барили илди далхулири. Амма илини лагЪнас или лайдакІибти кЪацІла кусукуни ца виштІаси дурхІяни дучили дукуллири. ГІялимли ил уцили хЪарбаиб:

- ХІуни сен илди кЪацІла кусукуни дурчусири?

- «Дила нешла нуша дахЪал лерра, лебилра гушли саби, нешра узупи сари, нуша дахЪесра рирули ахІен. Нунира, ишкЪайдали кЪяйцІвикІули наб беркеси баргили букулира дила нешла ца набчисилра пикри камбиахЪес. Неш лебтачилра кЪакЪарикІни баласра, ну гушли ахІни багЪалли набчила кЪакЪахІерикІар», - или иб дурхІяни.

ИлхІели гІялимли дурхІялизи иб хІу иша вашен гЪар бархІи ну ишав левалли нуни хІу велкЪайчи кЪацІли валхари или.

ГЪар бархІи дурхІя ила вашуллири, илра гІялимли велкЪайчи кЪацІли

валхуллири. Заманара дикиб, гЪанна биалли гІялимлис хЪули чарухЪес гІягІнили саби. Илини дурхІялизи сунела неш лерси мерла ухахЪес тиладибариб. ДурхІяни ил сунела нешличи арукиб. Нешра камси арадешра сарира, гІямру деркІибси хЪунул адам лерри, илалара бахЪал дурхІни-рурсби лебри, мурулра вебкІилири. Пакистанла гІялимли илизи тиладибариб ит сунени валхуси дурхІя сунечил Пакистанлизи вархЪахЪес, итав гІилмунира учІахЪес, сунези айкЪахЪес. Нешра, дурхІяра, илала узи-рузира дебали разибикиб ил секІайчи. Илдир сафарли дурабухЪес гЪалаб гІурра Идбагла ❁ мижитла мякЪла бакІили кЪунзвикІуллири, ва илав дурхІяни суалти хЪардиес вехІихЪиб:

- Пакистайзир дила игрушкунни дирару?

ГІялимлира суалтас жавабти дедлугулири:

- Дирар, хІела сецад дигара игрушкунни дирар.

- Дила сагати, лебил кЪаркЪала кІапІбироти палтар дирару?

- Дирар, хІела гІямрулизир

чехІедаибтигЪуна палтар дирар.

- Дила кани белкЪайчи беркала бирару?

- Бирар, хІуни ишаб базли хІебукуси гЪар бархІи бирар.

Илди лерил суалтира хЪардаили, Идбагла ❁ равзала (хІябла) чедибси шиниша куполличи тІулра чебуцили викар: «Наб итаб ит купол бирару?».

ГІялимли илис жаваб чарбатур: «Ит багЪандан сайра нура иша вакІибси, итгЪуна куполра ишаб ахІи гЪатІи чинабалра лебси ахІен».

ИлхІели дурхІя викар: «Ну игрушкунни агарли хІерирули калунра, гЪаннара хІерирулра, гЪанна гЪатІира вирусра уэс. Ну жагати, сагати палтар агарли дуркЪа палтарличил хІерирули калунра, гЪаннара хІерирулра, гЪанна гЪатІира вирусра. Ну кани белкЪеси беркала хІеберки хІерирули



калунра, гЪаннара хІерирулра, гЪанна хІерируливан гЪанна гЪатІира хІериурсра. Амма ит шиниша купол агарли ну хІерирес хІейурсра, хІедра халаш баракалагЪ, амма ну хІечил варх ляхІякЪасра».

ИлхІели гІялим висули кЪукЪумачи кайкили АллагЪлизи ❁ тиладиухЪун: «Я дила АллагЪ! Иш виштІаси дурхІялагЪуна иман ХІуни набра бихагу».

Даври цурала кабцла сарни багъес секъяйда вирару?

Даври дирантани, илди дирухъели дахъал деклар-декларти мицѝрагла кубци пайдала диру. Дагъистайзиб биалли имцѝали пайдалабиру хѝйвантала (бугъа, къял) кабц. Илкъяйдали гурра къаршибиркур жанивартла кабц пайдалабарибти меранира, амма ил бирар хасси заказлисун. Даврила бухѝнала бирули бирар кабцла мер бурцуси (кожзаменитель) чѝянѝиличил, яра гѝжала кабдичил, илра имцѝалин даврила бухѝнабцун пайдалабирули бирар, ца-цахѝелли даврила чедилализибра бузахъу. Даври дирантани бузахъуси гурра кабц леб, илра имцѝалин хѝбла-гѝбшнила даврила бхѝна кабирхъули бирар, илра саби цурала кабц. Ил кабц пайдалабарили дарибти даври диргѝели кадилзули дирар, даври диранталара къас диргѝели дарили дурхъали дицес саби. Цадехѝ, кѝидехѝ даврилизиб гѝжала кабц пайдалабараб, цурала бараб халаси ургала агара, гѝжала кабц цуралайчиб дебали дурхъаси ахѝен, амма чумилра азир даври дирусилис илаб халаси ургала лябкъян, ил багъандан ца биалра къурушла хайри лябкъуси мер балтуси деклар хѝйрар. Амма ишаб ца халаси суал алкѝули саби, нушала адамтас цурала кабцла дарибти даври челгъес асухѝебирар, илра даври дирантани хъумкартурли саби. Кабцла мягѝни хѝбалуси бусурман адамлис даври декларадарес къиянги бирар, илбагъандан нушани къайгъи бирехѝе къантѝли ил секѝал баянбарес,

хаслира бусурман адам суненира хѝбалули хѝталези хѝйкахъес. Цурала кабц – 90% даврила бухѝнала биран чѝянѝи саби, даврила чедила, яра аслу иличил барес хѝйрар. Илала лишантира сари дахъал диштѝлати кѝунтѝри, илди кѝунтѝри хѝяб-хѝябал дарх дирар, ва илкъяйдали лебил кабц буцили бирар. Илди кѝунтѝрира мурталра хѝулбази хѝедиркур, илди гѝяхѝил ахтардидарили чѝедаес хѝяжатбиркур. Цурала кабдичи мешули барибси дермантинра (кабцла мерлаб бируси) леб, цурала кабц сабил, дермантин сабилраякъинли балули хѝебиалли илдигъуна даври майсида. Илдазибси деклардешра саби, дермантинличирти кѝунтѝри имцѝякъ чераргъили, гѝяхѝил чѝедаес вирули вирар. Цурала кабцла бухѝнала шалира палда рангла, цѝудардеш бархѝикибси бирар. Илди даврила гѝяхѝидеш ца саби – камси багъа, амма вайти шалуби дахъал лер. Илдазибаддира саби, цурала кабцла даври дахъхѝи челгъухѝелли, яра къяш бемжалли илдазибад жяргаси, цурала кабцла гѝем башар. Цурала кабцла даврира масала гѝжала кабцла давриличир чѝумали дирар. Даври исанти бусурмантас нуни ца гѝеббурис, хѝушани цурала кабц декларабарес хѝебаладалли, яра дермантин сегъуна сабил балули хѝедиадалли, нушала заманализир даври дирути цехани камли ахѝенну, илдази хѝушачи балѝикибси, хѝялалси кабцла даври хъардарая, илхѝели хѝушаб паргъатли бирар. Халаси хъул



леб иш нушала биштѝлси статьяни нушала бусурмантас камсилра кумек бирниличи динли асубарибси кабцла даври челгъахъес, даври дирантачир халаси дугъабиз саби, багъала камси ургала багъандан бусурмантас ихцад халаси зарал мабиридая. Пикридухъенная, хѝушани биѝибси, цурала кабц пайдалабарили барибси даври чегъурси адамла, къяш бемжурхѝелли уму-агар бируси саб, 7 бирцали илдазибад гъачам гѝянжи шинличил ахѝенси умухѝебирар, ил адамла дехѝбала детхѝерар, шинкѝлси къяш гъамѝикунси мер уму-агар бирар, илдигъуна адамтира бахъал биалли секъяйда вирару итала

хѝялалдеш сасес, чинав ургусив ит адам? Сунени биалли Къиямала бархѝи хѝуша дургура ва сунела хѝек гѝалаббиду. Сегъуналра мягѝишатла хѝянчи бузахъуси бусурман адамлис чебл саби сунени бирусилезир асудирутира, асухѝедирутира дазурби дагъес, асухѝедирути датурли асудирутачивли узалли сунела барибсилезиб баракатра бирар, Аллагъла ﷻ гъалав умулира вирар, асухѝедирутачивли вяшикѝуси биалли Къиямала бархѝи чѝумаси жавабличи гѝалаб виру.

Мухѝяммад-Наби ал-Лакити

Ний держесра багъуди гѝягѝнили буили саб!

Къаркъала бузнилис, халабиънилис гѝягѝнити лерил хѝяжатти нийлизир лерти сари. Нийли лигуби, цѝлбала эмаль чѝумадиру, бекѝла мехѝе гѝяхѝил дузахъу. Амма ний дужуси бархъси тяхѝяр багъес хѝяжатбиркур.

1. Ний дужахъес гѝяхѝиси замана чебиахъули саби савли 6-личибад, 9-личи бикайчи, яра бархѝехъ 18-личибад, 21-личи бикайчи. Нийра дужа дуцѝардарили яра ванадарили, чучи далдиркути берклумачил дарх яра сарицун. Дугѝярти ний дужес асухѝебирар, илдани пищеварениелис зарал биру.

2. Ний 15 минутличир имцѝали руржахъес асубирусси ахѝен, 15 минутличир имцѝали калалли, нийлизир лерти пайдалати белокунала бархбас вайси шайчи барсбирар. Илбагъандан илди руржес дехѝдихъибси заманализирал цѝаличирад урасес хѝяжатбиркур.

3. Ний держунхѝели къаркъайчи гѝяхѝил далдикахъес багъандан илди декларти деркестачирад декларли держес хѝяжатбиркур яра илди дужа деркестачил дарх, масала биринж, изюм, чумиздаг, банан ва цархѝилти.

4. Дуцѝарти ний къаркъайчи гѝяхѝил далдиркур имбирличил, куркумаличил, кардамонличил, корицаличил, хивличил, шафранличил дарх.

5. Уркѝилис ва нервабала системалис дуцѝарти ний кардамонличил гѝяхѝил далдиркур.

6. Мускатный хивличил дуцѝарти нийли зигардухъунти бекѝла мехѝе паргъатдиру, гъанкѝ гѝяхѝибиру, пикруми умудиру, мурул адамла биркѝанти (по-



тенция) цѝакъдиру.

7. Корицияличил дуцѝарти нийли уркѝи цѝакъбиру, хѝе умудиру, жихѝ дурабулхъути гъундури далдиркахъу.

8. Шафранличил дуцѝарти ний хъунул адамла къаркъала, кам хѝядури калахънилис, лугѝянли биахънилис дегѝлара цѝакъти дармунтазибадди саб. Адамла гѝякълула шалилисра дебали гѝяхѝи сари, биштѝлати алкѝнила хѝекълизирра цѝакъти дару сари. Нийлизир гурра дахъал пайдалати секѝал лер, сунела къаркъа арадешли къулукъ бирусси адамлис биалли сари дарсдареси агарти держала сари ний. Адамли бархѝила духѝнар байхъала литр делхъунти нийла дужалли

илала къаркъайс дахъал пайдалати витаминти диркур, хаслира лактоза (къаркъайзиб биес хѝяжатси витамин). Идбагра ﷻ викѝули сай: «Я Аллагъла ﷻ лугъри, хѝушани излумас дарман диренная, марлира Аллагъли изала хъурахѝебариб илис дарман хъурахѝедарили. Хѝяйва нийличилра дарман диренная, марлира ил гъарил галгѝичибад букуси саби». Адамла къаркъайзиб биес гѝягѝиниси лактоза къя нийлизиб халаси лебси саби, амма ил гъарил адамличи балбиркуси ахѝен. Аллергия лебсилчи ил балхѝебиркур, амма Аллагъ ﷻ дазурби агарси уркѝеѝила вегѝ сай, къя нийла мер бурцутти гѝжала нийра лер, тух-

туртанира илди ний аллергияла изай изутас маслигѝятдирули дирар.

Пежала нийлизиб пайда ахѝенси силра агар, илди дужнилизибра пайда ахѝенси силра агара. Пежала ний чидилра хъа мицѝрагла нийличир гѝяхѝи сари, сенахѝенну гѝежа дахъал излумазибад берѝибси саби декларти хъа мицѝраг имцѝалин изутазирад. Къя нийлизиб лебси, аллергиякунас асухѝебирусси лактозара илаб камси саби, илди ний дяргѝили лералли держес асубирар. Пежала нигѝ халал замана руржахъаллира илизирти пайдалати витаминти заяхѝедирар, къя ний биалли нушани гъалабра буриливан 2-3 минутличир имцѝали руржахъес асухѝебирар.

Ний нушала Идбагѝисра ﷻ дебали дигутири, Идбагра ﷻ викѝар: «Нийли дуженная, илдани уркѝиличѝибси буцѝардеш убису гѝуй недличѝибси майгъа убисуливан. Илдани къакъла чѝала чѝумабиру, гѝякълу имцѝабиру, хѝулбала шала имцѝабиру, секѝал хъуммиртни аркъяхъу».

Гурра хѝядислизиб леб: «Хѝуша беркай дукухѝелли дикенная: Я Аллагъ, хѝуни нуша иш беркайзир баракатла дараба, нушабра ишичѝиб гѝяхѝиси га. Нийли дужухѝели дикенная: Я Аллагъ, хѝуни нуша ишти нийлизир баракатла дараба, сарира нушаб имцѝадара, цѝлра беркай, цѝлра бержесини хъул ихъхѝейхъахъу нийливан».

Нийличила Къуръайзибра авна гъанбуршули саби, Аллагъ ﷻ Алжунтазирти хѝуркѝбала хѝекълизив викѝули сай: «Нийла хѝуркѝиби, чулара гѝягѝям барсхѝебирути».

Имам Шафиги́ла мазгъаб х́ясибли мурул адамлис муц́ур бялѓяс асубирусив?

Тинѓибулси суал саби, илра шарѓла гъуни х́ясибли баянбарес х́яжатбиркур, сенахенну бахъал бусурманли леб, чусра ѓилму агни багъандан, динлизиб муц́урличиб х́яжатси силра лебси ах́ен или гъанбиркути. Хаслира жагъил дурх́ни, чулира лебил ѓилмула бяркъ интернетлизибад касибти, чула ѓякълу агардешлизибад умматла хала-ѓялимтаци булан бургъес балбилзули саби.

Муц́ур бялѓни

Муц́ур бялѓни ибх́ели, ихала мяѓна саби - бутаси сеќай (лезвиани) дях́ларти гъез урасни, илдиратаманли урисути ах́енну, камличи цугдикибти урасили, гъезла мякъи далтути сари. Хебиалли муц́ур бялѓяс асубирулив? Ил суа́йс жаваб нушани Имам Шафиги́ла мазгъаб х́ясибли баянбирех́е.

Имам Шафиги́ла мазгъаб х́ясибли ч́умаси ѓайли муц́ур бялѓни х́ярам х́ебиру, къадагъабиру (карагъату танзигъ). Муц́ур бялѓни х́ярамли ах́и карагъатли биъни чебиахъули саби халати ѓялимтани бурни х́ясибли: Имам Нававини сунела «Шарх́уль Муслим», «Тах́икъикъ» (Имам Нававила беѓлара ѓергъеси жуз саби), Имам Рафиги́ни «Х́ишия аль Тух́ифа» биќуси жузлизиб, Имам Гъазалини «Их́гъя ѓулу му динлизиб», ар-Рамлий «аль-Фатава», Ибн Х́яджар «Тух́ифат-лизив», Гиззу Дин ибн Ѓябдусалам, Имам аль Хат́иблира «Х́ишияту Бужайрамилизиб», Закария Ансарию «Асналь Мат́алиблизиб», Аль Хат́иб аш-Ширбани «Х́яшият аль-Тух́ифат», Абу Бакр ад-Димъяти ва царх́илти.

Цацабех́ги ѓялимтани бурни х́ясибли: «Сай Имам Шафиги́ни «Аль Умма» биќуси сунела жузлизив виќулири муц́ур бялѓес х́ярамси саб или». Илди ѓай чили дурулив?

Илди ѓай дурули сари Имам ибн Рифаѓли. Илла х́екълизиб Шейх аль Гумари виќули сай: «Ибн Рифаѓ сунела «Х́яшиятуль Кафия» биќуси жуз-

лизив виќули сай, Имам Шафиги́ни муц́ур бялѓни х́ярам бирули сай «тах́рим» ибти ѓайличил. Амма их х́укму сунени вайт́а арѓни-лизибад саби, сенах́енну Имам Шафиги́личибад кабизахъурси ч́умаси тах́рим агара, «ла яджузу» ибти ѓайличибли саби имам Шафиги́ни къадагъабируси, ихти ѓайли биалли ч́умали х́ярамбируси ах́ен.

«Джурах́ аль-Гамд» биќуси жузлизир Имам Шафиги́ла ѓай дурули сари: «Муц́ур бялѓни ла яджузу (асух́ебирар, яра къадагъабирар)», ихти ѓайлизибадра аргъес вирар, Имам Шафиги́ни таманли х́ярам чебиахъули ах́ин. Илбагъанданра Шафиги́ла мазгъабла хала-ѓялимтани илди ѓайлис таманси х́ярамла мяѓна чебиахъули ах́ен.

Имам Шафиги́ла мазгъабла хала-ѓялимтазибадди деѓлара ѓалар муц́ур бялѓни х́ярамси сабила ѓай дурибси ѓялим – аль-Х́аяйлами сай (ил вебкибсири ѓижра 400-эсти дусмазив). «Мингъадж» биќуси жузлизив виќули сай: «Х́алимийли ибти ѓай, муц́ур бялѓни х́ярамси саби диќути, аслу агарти сари».

Имам Шафиги́ла мазгъаблизир беѓлара ч́умаси х́укмулизи халбируси саби Имам Нававилара, Имам Рафиги́лара, илди ѓялимтира, илдачил барх́ли Ибн Х́яджар Ѓайтамира, Имам ар-Рамлийра биќули саби муц́ур бялѓяс х́ярам лебси ах́ен или.

Х́ясилра бурех́ели, Имам Шафиги́ла мазгъаб х́ясибли муц́ур бялѓнилизиб х́ярам биес х́ебирар удирти сабабти багъандан:

1. Имам Шафиги́ни муц́ур бялѓяхъес ч́умали



х́ярам барни чинабалра агара, «Х́ярам» - ибси ѓайра илизибадди агара.

2. Имам Шафиги́ла мазгъаблизиб убяхъала бетаруси ѓай саби Имам Нававила, Имам Рафиги́ла, Ибн Х́яджар ѓайтамира, Имам Рамлийла, илди лебилра биќутири муц́ур бялѓнилизиб х́ярам лебси ах́ен. Муц́ур батни халаси суннат саби, Идбаглира ﷺ муц́ур балтули вири, Идбагла ﷺ муц́урла бухъяндиличилара деклар-декларти ѓай дурули сари, амма чебла ах́ен. Суннатра саби барнилис керу биуси х́ебарнилис бунагъ агарси. Чебла биалли иш дунъяличив левалли барес ѓяѓниси, х́ебараллира ахиратлизиб ѓязаб чебирахъуси. Хебиалли муц́ур х́ебалтуси адам бунагъ-лизив виес х́ейрар. Муц́ур луѓнилизибра бунагъ агара, ил карагъату танзигъ саби.

фикир тув

Х́ябилра пикруми лер, амма илдазир Аллагъличила ﷺ дахъ камлигу

Гъаман хъарбиули бирар дех́байзив Аллагъличилацун ﷺ пикривиќес секъяйда вирусил. Веѓла дех́байчила, ѓибадатличила ихкъяйда къакъавиќни дебали гапла саби, сенах́енну дех́бала нушала динла удибяхъ саби, Къиямала барх́ира беѓлара гъаб хъарбиуси ѓямал саби. Х́ядисуназиб буруливан дех́ба керира, дех́байзив Аллагъличила ﷺ пикривиќули калунсила къадар саби лебси. Амма сенилра гъаман бирар дех́байзив мурталра Аллагъличила ﷺ пикривиќес х́ейрули, деклар-декларти пикруми дашар беќлизи, цацах́ели дех́бала секъяйда дарибал гъанбиркули х́ебирар, чум ракаѓят дарибал х́ебалули бирар, беќлизи х́якъуси журала пикри х́ебирар. Шайт́а х́янчира их саби, илини нушаб сегъуналра някъла зарал барес бируси ах́ен, илини барес бируси нуша деклар-декларти рикрумази душес, амма ил х́янчи сунечи Аллагъла ляѓну баклабла иблисли дебали чебетаахъили биру.

Имам Абу Х́янифала заманализивра ца адам ваќили, сунени жявти дусмазир урдихъибти арцла мер хъумкартнила дец́и дураберќиб. Имамли илизи хъарбариб савлила дех́байзив Аллагъличилацун ﷺ пикривиќули ѓурти лерил пикруми

датахъес къайгъибарахъес. Илини Имамли хъарбарибси бариб ва дех́байзиб арц диѓяндарибси мер гъанбикиб, дех́бала тамандарили ѓергъи къалабали ит мер ахтардибарес вякъун ва итар сунела арц даргиб. Пур Имамличи баракалагъ багъахъес ваќиб ва Имамли ил бетарни секъяйда багъурал хъарбаиб. Имам Абу Х́янифа виќлар: «Хуни дех́бала Аллагъличилацун ﷺ пикривиќули дирух́елли, шайт́ара х́у декларти пикрумачивли чеввухъахъес хъул бердибх́елли, х́ела арц диѓяндарахъибси мер балахъни нуни багъурра, х́ура иличивлилра чеввухъахъес багъандан».

Лерил дех́байзив Аллагъличилацун ﷺ пикривиќес вируси ах́ен, ил идбагунала хасият саби, амма вирар Аллагъличила ﷺ пикривиќуси замана имц́абарес:

1. Мурталра дех́байчи хъулвиќес, дех́ба замана баайчи х́ериќес х́яжатбиркур.

2. Чила ѓалар дех́бала дирутил аргъес х́яжатбиркур, сунела ѓалар дех́бала дирусила чевях́деш аргъес х́яжатбиркур.

3. Дунъяла ѓямру сецад урях́тил ва ахиратла ѓямру сецад черях́тил пикрибарес х́яжатбиркур. Адам селичилра пикрих́ейќалли,

селичилра къакъах́ейќалли илал урќи ит заманализибал декларти пикрумани бирц́лахъу.

4. Дех́ба багъа, къадри аргъес х́яжатбиркур.

5. Дех́байзив Аллагъ ﷺ урќила уцнилис беѓлара ц́акъси сабаб саби, веѓли буч́усила мяѓнуртачила пикривиќни.

6. Рукуѓ (вайлавад ѓяшиѓни), сужда (ванзаличи анда кагахъни) духъяндирили, илди паргъатли, къалабах́ейќули дирнилара Аллагъ ﷺ урќила уцахъес кумек биру.

7. Чедетаахъили, багълали, паргъатли дазала дирни, Аллагъличила ﷺ пикривиќули дех́бала дарнилис кумекли дирар.

8. Дех́бадарест́ашизурх́ели, дех́байзи ух́наухъес къалабах́ейќлар. Паргъатли, сунела пикруми цададяхъили, «Истигъфар» (астагъфируллагъ), сура «ан-Нас» делч́и, ѓур дех́байзи ух́наулхъан.

9. Дех́байзив левалли деклар-декларти пикруми ляркъух́елли ит заманализирал илди гъадяхъили, Аллагъ ﷺ урќила урцу.



Аллагъла ﷺ урќециличивли имц́алинти дех́бала Аллагъ ﷺ урќила уцили дарес вирар. Аллагъли ﷺ нушаб кумек бараб.

(«Х́ишият Иѓанату ат́-Талибин»,
Ад-Димъяти
«Бидаятуль Ѓудаят»,
Имам Аль-Гъазали)

«Урчи лебси хъули шайтІан бухІнахІебулхъан»

Лерил лерти мицІираглизибад бегІлара дебали адамличи мешуси мицІираг урчи саби. Илра адамван Аллагъли ﷻ багъа чебси, хІурмаг чебси, мурад-къас чебси аклахъубси саб. Урчбира жура журала лерти сари, илдазир лер чучив мурдали кайъибси левалли чула хІяжат хІебиранти, чула ца вегІ левли декІарси адам чучи ахІейрахъанти ва гІурра дахъал цархІилтира. Урчбазибадли дебали гІяхІси урчи буру «ГІятикъ» бикІуси. Ил урчи саби, сунела нешра дудешра умути гІярабтала жинсла урчбазирадли детаурти. ГІятикъ ибси гъайла мягІна саби селизибад биалра берцибси. Абу Бакр асхІяблис ﷺ гІятикъ ирули бири, цабехІтани бурни хІясибли илгъуна чеу бихъибтири Абу Бакрлис Идбагли ﷺ илизи ибни багъандан: «ХІу уркІеци Чевсини цІализивад верцахъибси сайри», цабехІтани бурули саби, Абу Бакрла нешла лебил дурхІни бубкІутири акІубси заманализибал, Абу Бакр ﷺ биалли калунсири, акІубхІели гъалабтиван вебкІхІебкІили, бекІализивад верци багъандан ихгъуна чеу бихъибтири. КягІбалисра «Байтул гІятикъ» или иру. СенахІенну КягІба чум зулмукар пачани буцес балбизаллира биубти ахІенри, чила биалра мулкдешлизибад берцибси хъали сабни багъандан их у бедибси саби.

Илкъайдали урчилисра гІятикъ ибси у бихъибси саб сенахІенну ил ларбикІнилизивад, ва мутІигІхІебакІнилизивад берцибси урчи сабни багъандан. Иличил цугбуру «Барзун» (аргамак, хъярхъси,

къалабаси урчи). Илдала ургалара саби, барзун урчила гІятикълайчир лигути, биркІанти халати сари, амма гІятикъла чІумагІира сари, декІтира сари. Барзун урчини имцІякъ декІси дех биху, гІятикъ биалли къалабаси саби. ЦархІилти мицІирагличи халдарахІелли илдала ургала багъес багъандан, гІятикъ газелличи халбарихІелли, барзун илала мякълаб мазаличи ахІи ахІебиркур.

Идбагла ﷺ хІядислизиб леб: «ГІятикъ урчила вегІличи шайтІан гъамхІебирар, гІятикъ урчи лебси хъулира шайтІан бухІнахІебулхъан». Пурра хІядислизиб леб: «ГІяраб жинсла урчи хІебиуб Аллагъли ﷻ илис дуги-хІерила бухІнаб кІийна балга бирахъес ихтияр бедили ахІенси». МугІявийат бин ХІядиджли бурули сай: «Нушани Египет буцибхІели, Египетла агъула декІарадарили, алавдуцибти мерани лерри, илар илдани чула мицІираглис къулукъ бируллири, умудируллир, хъарсдируллири, ва цархІилти къулукуни дируллири. Нура илгъуна мерла мякълавад аркъухІелли илав Абу Зар аль-Гъафари леври, суненери сунела урчилис къулукъ бируллири, нуни илизи саламра бедили их се урчи сабил хъарбаира, илини набзи иб: «Иш урчила балгалис Аллагъли ﷻ жаваб чархІебатурли чехІебаира». Ну тамашавиубли, урчини балгара бирули, илис жавабра чарбалтулив или хъарбаира. Абу Зарли иб: «Цалра дуги хІебирар иш урчини Аллагълизи ﷻ балга хІебарибси, сунела балгализибра ишини иру: Я дила Аллагъ, ХІуни ну адамтас мутІигІбакІахъира, дила ризкъира чула някъбазиб барири, ХІезира тиладибкІуллира, нура чус чула агъ-



луличибра, чула мас-давваличибра дигули бетаахъабагу»,.

ХІядисуназиб гІурра бурули саб: «Жиндри духІнахІедулхъан гІятикъ урчи лебси хъулрази».

Чидилра мицІираглис къулукъ барнира, иличи уркІеци барнира керила баркъуди саби, иличи зулму барнира бунагъла гІямал саби, урчиличи биалли хасбарибси хІядисра леб: «Чили урчилис деркахъес шагІир (нихъя) халлира, ит белкъайчи иди дихаллира ит адам-лис гъар къякъла къадар кери лука».

Бурни хІясибли урчи дигІла мицІираг бири, хъа мицІираг ахІенри, вегІлара гъав иличи мурдали айъибси ИсмагІил идбаг ﷺ сайри. Сулейман идбагла ﷺ бири дукІумала бегІ урчи.

Урчи адамла къаркъайсра дебали пайдала саби, гъалабла заманала тухтуртани

гъаман урчи пайдалабирули бири чули дирути дарулизиб. ЦабехІти тухтуртани кишечно-желудочный трактла излумас урчиличив ваши чебихъули бири, биркІантала мер-мерлабси яра таманси параличлис чебихъули бири. Мурул адамла потенциаллис дебали маслигІят биру. 20-эсти даршудсла ахирличир, урчбала спортлизирси ца Даниялизиррадси рурси паралич риубсири. Лебил тухтуртанира илис сунела гІямру инвалидунала коляскалар кални чебаахъибсири. ДекІарси диагноз буруси цалра тухтур аги. Сунела тухтурли биалли илизи гъайвикІули урчиличи кариахъес къабулрикахъиб. Секъайда кариалира ил сагали урчиличи карииб, илра олимпиадаличир кІиеси мерличи ракиб, сунела къаркъайзибра паралич гъачамалра хІебуибсиван араиуб.

фикир тув

ХІуни се архулли Аллагъла ﷻ гъала?!!!

1 « Дила ца ника изес бяхІяйчи илди чула жан дедес хІядурлири. Илди ну гушхІейгахъес, милигІхІейгахъес, вяргІхІяргахъес, гъанкІ бакІибхІели усаахъес гІашкабизурлири. Дуги ургав висули айзаслира, илдани чула гъанкІ батурли наб къулукъ барес дуцІбулхъутири. Замана дикиб. Ну суркъикІули пуличивад вашес вехІхъира, Аллагъли ﷻ дила бегІти гІашкабизахъур наб зарал бизеси мерличи архІявкъяхъес. Пурра замана дикибхІели ну гІашилзес вехІхъира, гІур вашес вехІхъира, илдара гІашкабизурлири ну кахІейкахъес, дила силра изихІеахъес. Ну гъайвикІес вехІхъира, Аллагъли ﷻ дила мез, се бураслира, дила хасиятуни дила неш-дудешлис лебил дунъяла мас-давваличир жагадариб. Дунъяличив нуцун вархъатаслири нуни ца бархІира беркІес хІейраси, амма Аллагъли ﷻ ну дила бегІтази ца сягІятлисра вархъхІетахъурра. Къяшмачи даври чегъесра нуни вирули ахІенри, илди лерил дила нешли дирусири, набчи палтар челгъи, илди чердалти, ну ицаси, ну усалахъаси, ну айзурхІейс беркалара барили ну вахес дила гъала кариили неш рургаси. Дикиб замана, ну халавикІуллири, набзи секІал багъахъес гІягІниллири, ну гІямруличи бурсиварес гІягІниллири. Ну вархъира ушкулала, дила учительти набзи секІал багъахъес ушкулав левалли къайгъилизиб сабри, ну хъули

чарухъунхІели биалли дила неш-дудеш дила мякъла гІашкабизурли, набзи секІал гІеббурули, хъули хІянчи дирахъули сабри. Аллагъли ﷻ ну илавра вархъхІетурра, дила бегІти ну хъуливад дураухъунхІейчибад хъули чарухъайчи, набчи къакъабикІутири, Аллагъли ﷻ ил диги илдала уркІила кабихъибсири. Замана диркуллири, ну халавикІуллири, дила гІамара бабзбикІуллири, цакъра имцІабикІуллири. Нуни набчи къулукъ бегІтала кумек агарли бирес бурсивуубра, амма сенилра дила неш-дудеш наб гъала гІашкабизурлири, заманаличив къацІли вахес, ухъала кайхъахъес, заманаличив авцес, гІягІнити харжани палтар-къяшла ва цархІилти дегъес мурталра хІядурлири. Аллагъли ﷻ итхІеллира ну дила цакъличи хъарли вархъхІетурра. Дила бегІтани ну дехІбала-дазайчи бурсиварира, иман-ислам дагъахъур, хІярам-хІялал дагъахъур. ИлхІелира Аллагъли ﷻ ну вархъкатурли цІалис цІабикъалали хІеварира. Нуни ушкулала белчІунра, ну институла вякъунра. Илав учІули левалли, секІалра белчІи-багъурли, гІямрулизивра хІерирес дебали къянсири, амма итавра Аллагъли ﷻ ну вархъхІетурли, лебил наб гІягІниси харж дила бегІтас бедиб. Илдани наб беркесилис, партайс, хъалилис ва гІурра гІягІнитас лугули калун. Ну учІахъес багъандан набзи бирахъуси сегъуналра хІянчи аги, лерил къян-

тира, хІянчурбира чули чесиб. Илдас набзибад гІягІниси силра аги, илдас гІягІниси чІянкІли дила талихІдеш сабри. Нуни белчІунра институт, бегІтани наб кумекбариб хІянчила кайъахъес, хІгъаланчи хІянчила кайъибхІелира наб гъамадли ахІенри, илхІелира Аллагъли ﷻ ну вархъхІетурра, илхІелира наб бегІти кумекбикІули калун. Дила гІямрулизив ну Аллагъли ﷻ цалра бархІи вархъхІетурра, дила гІямру деркІахъес чула гІямру дедлугути адамти гиб.

ИшбархІи нуни арц бирулра, ну дила арилизивси адам сайра. Дила жагъти гІямру лер, къаркъайзиб арадеш леб, жагати бекІ-куц лер. Наб гІямрула гІягІям касес дигулла. БегІтани дурути наб гъатги гІягІнили ахІен, нуни гІяхІил баласра наб се гІяхІсил. Дила цадехІ гІямру сар лерти илдара наб дигуливан деркІес дигулла, гІурти лебталалра наб авара агар. Ну папрус битІакІес хъулухъунра, чили дила ари бурцув? Наб держла бержес дигулла, чили хІелтарав? БегІти мурталра махбикІути саб, ну ахІенталара илдигъуна саб, или бикІули буар. Дила юлдашуначил барх замана буркІулла, нуша дужули, дукули, разили-шадли, нушачил барх жагати рурсби леб, нушала жагати гІямру лер. Дунъяличиб къацІла кусук беркес агарти адамгачи наб се къулукуя, илдала чула гІямру, дила, дила гІямру. Сен ну чичила биалра пикривикІули дила разити гІямру марайдарес гІягІнитив. Хъу-

ли наб дигухІели вашусра, ну виштІаси хъяша ахІенра. Хъулир къакъарикІули хІерусуси неш лерни наб гъанрабиркули ахІен.

Ардякъун гІямру, дила бегІти бухънабаиб, илди чебаэс дила ярга агара, дебали вархилира. Илди изули биалли нуни себарес вируса гъатги. БетаурхІели аркъяс, гъавикІус. ИшбархІи ну бегІтала мураначив сайра, дегІла гІергъи илдала дяхІра чедэс хІейъубра. Бахъал адамти цалабикили саби, илдани дучІути лер, амма нуни се бучІусилра балули ахІенра, виштІахІели далули вираси, гъанна хъумкартурлира.

Арбякъун замана, бегІтира гъанбиркур, амма бекІили арбякъунти бегІтас нуни се барес вируса гъатги? Се бучІусил балули ахІенра, бучІантази арц бедлугули вирусра, дила заманара хІебирар.

Ардякъун гІямру, ну ухънаваира, лерил деркІибти гІямру чардарили сагали, декІарли деркІес дигуллира. Амма силра чарбарес вирули ахІенра, вакІиб набчира ИзрагІил малаик, лерил гІямру хІулбала гъаларад ардякъун, ну цакъ агарли, хІяжатхІели Аллагъли ﷻ вархъхІетурра, набзи цакъ бакІибхІели биалли ну айкъурти, наб къулукъ барибти хъумкартурра, Аллагъла ﷻ гъала секъайда аркъусил балули ахІенра, силра барсбаресра имкан агара.

«Иш бархІи ишав виэсла мерлав гІянжини ветаурли виасри (аятла мягІна)» (сурату «ан-Набаъ, 40 аят»).

Дунъяличиб Алжана барес вализурси Шаддад

Капуртала пачназиб кел пача бири, илдала пачадешра лебил дунъяличиб тинтдиубтири. Илди сабри – Намруз бин Клангян (цабехти биклар ил Намруз ахленрину Бухтанаср сайри или) ва Шаддад бин Пядил. Шаддадла виштлал узи леври Шахид биклуси, илданира лебил дунъя буцибтири, виштлал узи вебкибхели лерил мулкдеш халал узи Шаддадличиб дакибтири, илини шагъурти, шими, ванзурби цакаличил дурци. Халкьли илала шайзибадди чехлебаибси журала зулму кахелун, илала уркилизиб сегъуналра уркецила кантира аги. Илини дунъяличир азир дус дерклиб, илцад хъунрира кабиб, илала лебри 4000 дурхля.

Шаддадличиб дебели дигусири гъалабла идбагуначи хъурадарибти жузачи херикес. Илди жузасира Шаддадличиб Алжаналичила баян чебиули, сунелара халаси хул аклуб дунъяличибра жузасиб бурсигъуна Алжана аклахъес сунес. Илини лебил дунъяла визиртира, архитектортира, инженертира цалабахъили, илцади хъарбариб Алжаналичи лайкъси ванза баргахъес, илара мурталра шинра дилахъес, жура-журала цедешра дашести гянжира биахъес. Лебил инженертира цархилтира ванза баргес или дурабухъун, илданира дунъяла къакъличиб умцхемцурси

мер хлебатур чус лайкъси ванза баргес, илгъуна ванзара баргиб Йеменла ванзурбачиб, лебтанилра ил ванза къабулбариб. Шаддад сунела Алжана барес вехлихъес хядуриклулири. Илини лебилра беглара цакакти устаби бучили шагъар бехлихъахъес бархъиб. Илдани вецлал вецличи фарсахла (1 фарсах 6 км. цугбиркур) ванза алабуциб. Лебил дунъяличирад илдани мургъира арцра цаладахъиб, илди дацахъили кирпичуни дариб, илди кирпичуназибад ванза алабуцибси лац бариб ва духлар кялгъли ахъурцес бехлихъиб. Ирам (Алжанала шагъар) барес багъандан илдани сегъуналра мургъи-арцлара секлал балгули ахленри, халкъла лерти лерил зулмуни сайсулри, хляттаря риштласи ятим рурсила лихбачир лерти урцли датесра мяштла Шаддадла яхли хлебаиб. Изуси, ятим рурси балгаличил Аллагличи дугъаризур, илалала балгара Шаддад бихъибси зулмукарлис агъу бетаур, Аллаглира ﷺ ятим рурсила балга къабулбарили Шаддадла ахирлис сабабли бетаахъур. Лягънула зулмукарли ихцадра халкъличи зулмурта виркули калун, вегла гьегъира Аллагли ﷺ сенилра сунес къадарбарибси замана дикахъиб. Ихкъяйдали Шаддадличиб кялгъна бицибси шагъар тлашбатур, илала

кялгъли мургъилара, арцлара сарри, деклардегарти дурхъати къаркъубала, изумрудла, бриллиантла, ва цархилтала кизра, суратунира дарибти. Шагъарлизир уммути, бизитишинра, жура-журала цедешра сецад дигара лерри. Дунъя биублара, дунъяла къакъличиб ихцад жагаси мер хлебиуб, амма гъарли-марси Алжаналичи цугбуцибхелил ил дукъарвахъесигъуна сабри. Шагъар бирули 300 дус калун, гурра 20 дус Алжаналичи лайкъти мицтираг даргес къяйцбиклули калун. Шагъар таманбули гьегъи Шаддад ваклахъиб. Сунела хъунрачилра, дурхначилра, лебилра бузантачилра варх Шаддад ватихъиб Алжанала шагъарлизи. Илдала валриби мургъилара, бриллиантлара кизли делшунтири, урчбара дурхъати кизли делшири. Гъуйчиби биалли Аллагли ﷺ сунес къадарбарибси замана каберхур, Аллагли ﷺ ятим рурсила балга бетаахъур, заклизибад халаси тама даклубули, Шаддадра илала лебил бархкъянабира туглу-къякъя бариб.



300 дусла бухнаб, мургъи-арцлизибад барибси, дунъя биублара беглара жагаси шагъара Шаддадличиб чебаес имкан хлебаклиб, Аллагли ﷺ сунес ца сгъятла гямрулра ил шагъарлизир дерклахъес къадархлебариб. Марлира Аллаглис ﷺ зулмукарти дигуси ахлен, ахлери динла узбира, рузбира, халаси мяхкамдеш баря адамличи зулму барнилизиб, адамла хлекъ буънилизиб, адамла урки бячнелизибад, зулму барибси адамла балгани дунъя буцибти зулмукартира къирбирули саби.

Машгъурси «Зульфакъар»

1 « Ихъуна баян нушани гъараб мезла баянла словарьтазиб баргес дирехле, илцазирадлира сари «Аль-Гъарус», «Лисануль гъараб». «Лисануль гъараб» биклусилизиб биалли, факъара ибси гъайла баянлизиб «Зульфакъар» шушкала баян леб, илис илгъуна у сен бихъибсилра баянбирули саби. «Зульфакъар» Идбагли ﷺ Бадрула гъазаватлизиб душмантазибад абитунси шушка сабри, гур Идбагли ﷺ ил шушка Пяли асхляблис ﷺ пешкешбариб. Лебил анцбукукъ нушани баянбарибсиван биалли, хъар кирка биубси шушкала хабар чинад баклибси? Кирка биубси хъарла бегли шушкала лерил хабурти шиитунназирадди сари ляркути, суннитуннала шайчирадли цалра гъалимли илгъуна шушкала хабар бурули ахлен я «Зульфакъарлис» кирка биубси хъарла бегли шушкала баян бедлугуси агара. Сен илди шиитунани ихцад дебели ил шушка бурсив ва ихцад дебели илгъуна киркаси хъарла бегли шушка дурхъабирисира? Сирала (Идбагла ﷺ ва асхлябтала гямрула хабурти делкунти) жузачи хердизахелли, илаб баргес дирехле нушала пачяхли Пумар ибн Аль Хатлаб кавшибси тяхлар. Ил хабар дахъал жузасиб леб, хаслира «Аль-бидая ва ан-нигъая» биклуси жузлизиб, машгъурси гъалим, муфассир Ибн Касирли луклули сай: «Пумар асхляб ﷺ Аллаглизи ﷺ улгусири Мадинала шагъарлизиб сунес шагъидла бекла къадарбиахъес. Аллаглира ﷺ Пумар асхлябла ﷺ

балга къабул бариб ва илис дурхъаси Мадинализиб капурла някъбазибадди шагъидла бекла къадарбиуб. Илгъуна разидеш гъариллис лебси ахлен, сенилра Аллагли ﷺ Сунес дигутачи уркецли бируси саби». Их бетаурсири зуль-хиджа базла, 26 бархила савлила дехбайчиб Абу Луълуъ Файруз аль-Маджусини илис шушка хъячбарибхелли, ил шушка сабри кирка биубси хъарла бегли. Ил малгунли кирка биубси хъарла бегли шушкаличил Пумар асхляблис ﷺ 3-на бяхъиб, цагъунабси канилизи чегиб, илхелира Пумар бин аль-Хатлаб кайкиб. Пумар асхляблис ﷺ шушкара хъячбарил ил малгун вебшиб ва гъалаб къаршибикибти лебтас ил шушка хъячбирули 13 хлябра адам бяхъиб, илцазибад 6 беклиб. Гур иличи бабза хляка лайбакили Гъядурахман бин Гъявфли ил уциб, илхелира ил малгунли ил шушка сунесра хъячбарили сунезивадли сай вебклиб. Шиитунани ил адамлис Ирайзиб зиярат бариб, ил зияратличибра илцад бусурманги кабушибси, хаслира Идбагли ﷺ сай идбагдешлис лайкъварибси, беглара дурхъатазивадли киеси ветаурси Пумар аль-Фарукъ кавшибси шушкара, Пяли асхляблис ﷺ Идбагли ﷺ пешкеш барибси «Зульфакъар» саби или кабихъиб. Гъанна хлерая се дурхъабирулил илди шиитунани, ва се барсбарили бусурманги биргъабиргулил. Идбагла ﷺ някълаб калунси, бахъал капурти къирбарибси, Аллаглира гъуйчирти дахъал гъазаватуназиб калунси



«Зульфакъар», малгунла някъбазиб кали, бахъал бусурманги кабушили, вегла дурхъаси халиф кавшибси, хъар киркабиубси шушкаличил барсбарили саби. Илди шиитунна нушала пачяхли Пумар асхляб чеваэсра хлейгахъу илини Персияла империя бехъни багъандан, Пумар асхлябла ﷺ хлекълизиб бурибси Идбагла ﷺ хлядислизиб леб: «Я Пумар! Ху мицирли левалли хезирадли шайтунти дибшули сари, ху вебкибхеллира хезирадли шайтунти дибшур».

США – се пачаликъ сабира?

США-лизиб гъар дус 40 азирличи гъамли биштлати бегихур, илди бетихънила ахирра бирар, зинала зулму, кабушни, багъалис бицни (имцалин биштлати рурси).

США – 1-эси мерличиб саби тухтуртала ахъги багъназиб, иличил барх илдала деглара цакактира, дурхъатира оборудование лерти сари.

Илдазир деглара дурхъати гъагънихъули леркъира илдала тухтурдешла шали 37-эси мерличиб саби, тух-

туртала хатлурбали шали хлясибли, илди хатлурбани адамти бубклахъути, 1-эси мерличиб саби.

США – беглара гъалаб саби ГМО (химия дархти деркести, цедеш) дирнилизиб, Америкала халкъра 1-эси мерличиб саби църхъдешлизиб (ожирение).

США – дунъяличиб 1-эси мерличиб саби тук, газ, напт делгънилизиб ца адамличи, иличил барх илди 1-эси мерличиб саби мусор дирнилизибра.

Илди лугибани чилра разихлеркахъу, иличил барх

Американи чула политикара, чула гямрула тяхларкъяйдара лебил дунъяличиб тинтдарес дигути сари. Илдани декларти бурсибирули саби хербирахъес.

Ишбархилизир дунъяла къакъличир лерти лерил дьавтазиб, лерил фитнабазиб, лебил кабурантазиб бекдеш дуцибси США саби!!! Нушаб гъагънидеш агара ита ардукъес, нушаб идала гямру гъагънили ахлен.

Аллаглисра ﷺ халаси шукру биаб нуша ихти гьобурцантазирадди ахли.

Декларси адамличил бархъибси саламлис жаваб чарбатес чебла сабу?

Перкъаливси адамличира декларсилчил салам бурхъни суннатси саби. Чис биалра салам бархъалли, ит салам бухес къабулвикили виалли, ит бетаахъесра чебла саби, ит бухес къабулхейкили виалли яра лехикахъили калаллира салам бетаахъес чебхейбирар. Чичибад биаллира саламти детаахъили диалли, иди детаахъибсилис салам ит

заманализибал чарбатес чеббирар, суннатли бирар гъаланачи иди хибсилис чарбатес гур дархъибсилис, ишкъяйдали: гъялайка ва гъялайгъи салам. Салам белки бархъалли, ит салам абаибсилис чеббирар белки салам чарбатес яра гъайли буреситини бакъеслин биалли. Салам гъайли бедибсилис гъайли чарбатес чеббирар. («Фатхуль Мугин»)

Дигунти арчличил барибси хъяж бетарусив?

Дигунти арчличил барибси хъяжлис сегъуналра керил хейбуур, сенахенну хъулкидеш халати бунагуназибадли саби. Исламлизибра хъулкидешлис чумаси тамбихи бируси саби. Хъулкидешлис някъчъибирхъу ва илкъяйдали. Хъядислизибра бурули саби: «Авал журала адамтас Жагъаннабла цъализиб халаси гъязаб

хъядурбарилли саби, илдала гъязаблизибад гъязаб чебиу гурти Жагъаннабла агълунира. Илкъели илдани хъарбиу: Чихъали сабу ихти, ихцад дебалли гъязабуркути, илдала гъязаблизибад нушала гъязабра имцъабирулигу. Илгъуна гъязаб чебихъантанавадли ца вирар урхъла мас чархъебатурли вебкисси».

Бусурман хъунул адамлис бусурман ахенси хъунул адамла гъалаб гъяврат гъаргъиахъес асубирару?

Бусурман хъунул адамличиб чебла саби бусурман ахенси хъунул адамла гъалаб лебил къаркъала кlapлбарни, хъунул адамтани гъядатливан хъунул адамтала урgab бузукъели klapлхедарили калунти ахенти, масала някъби, дяхи ва илкъяйдали. Илкъяйдали къаркъала klapлбарес х I я ж а т б и р к у р хурматласи, иман черси бусурман хъунул адамли зинакар

бусурман хъунул адамла гъалабла масала. Сунес, хурматласи, иман черси бусурман хъунул адамлис биалли асубирули саби зинакар ва гурра цархилти халати бунагъуни дируси бусурман хъунул адамлара, бусурман ахенси хъунул адамлара лебил къаркъайчи херрикес чиличалара, къукъумалара ургалаличи калайчил, илра асубирар илизирадли сегъуналра вайти пикруми алкълули хедиялли.

Мура кел яра имцъалин хъунул лебли биалли, илини илдазирадли ца сунечил рарх сафарлизи рукес вирусив гуртазибад ихтияр сахлесили?

Имам Шафигилара, Имам Ахмадлара мазгъапти хъясибли муруй сунечил рарх ца хъунул гуртала ихтияр агарли, яра илдала урgab чъала хъебушили асубебирар. Илини ил баралли бунагълизи виркур, цаличил барх беркисси заманара гуртачил бархра чебахъили беркес хъяжатбиркур. Илдала урgab чъала бушили, яра илдала ихтиярличил ца рукили риалли, иличиб сегъуналра хъекъ

кахъевлан я илис ит замана илдала урgabра чебахъили бутлес хъяжатхейбиркур. Имам абу Хъянифала мазгъаб хъясибли муруйзиб сунечил рарх сафарлизи чиди дигара хъунул рукес ихтияр леб гурти хъунрала ихтиярра, илдала урgab чъала бушесра хъяжатхейбиркур. Ит хъунуйчил барх беркисси заманара илдачил бархра чебахъили беркес хъяжатхейбиркур. («Рахматуль умма»)

Къиямала бархиличи вирххеруси адам че ветарусив?

Гъарил бусурман мурул адамличибра, хъунул адамличибра чебла саб Къиямала бархиличи иман бухни. Къиямала бархили лябкъиличи вирххеруси адам биалли, динлизибад дураулхъуси сай, куфрулизи виркур. Аллагъли ﷻ нуша дерцахъаба илизирадр. Къиямала бархили мурт кадилзаналра ца

Аллагъли ﷻ ахенси балуси левси ахен, их пикриличи кабикурти саб имцъалинти гъялимти, амма цабехи гъялимтани ца-цадехи хъядисуназибадли Къиямала бархили лябкъуси замана кабилзахъули саби. Амма Къиямала бархили жумяги бархили саб биклуси гъай имцъалинти гъялимтани къабулбируси саб.

Хъунул адам сунела дехлбала калунти замунтазир балга-дугъяба, Аллагъла ﷻ ума, зикурта ручлес рирару?

Хъунул адамли дехлбала калунси заманализир лерил илди дучлес рирар чъянкъили Къуръа аятуни калайчил. Имам Маликла мазгъабла жузазиб леб, дехлбала калунси хъунул адам, сунела дехлба гъядат кахъелахъес,

дехлба замана баибхели, сунени дехлбала дируси мерличили ракили, ита каррили, дехлбала дареси заманала къадар калалли, тасбихуназир итис глумра (биштгаси хъяж) барибсигъуна керил биур.

Се сабу гъясивигъни, ва мурт асубирусив гъясивигъс, мурт асубируси ахенну?

Имам Джурджанийли бурули сай, гъясидеш дакълудироти сари уркиларти хъе къалабадиубхели, адамлира гъясидеш дураибхели кункъеш бала или. «Фатхуль мугин» биклуси жузлизиб бурули саби гъясидеш уркиларти хъе руржес дехлдихъили, адамла халаси хъул уркулуси саби гъими ахъес. Гъясидешлира адамлис келра дунгъяличиб халаси зарал бируси саби. Имам Гъазалини бурни хъясибли, адам гъясивибхели илала хъе руржес дехлдирухъути сари, илди хъера тумазирад аркъан, тумазирадли лебил къаркъайзи алавдирар. Гур илди хъе чеди ахъдирар, хулбира, дяхира хунтендирар ва илкъяйдали. Идбаглира ﷺ буриб: «Гъясидеш – адамла къаркъайзиб аркулуси ламисаби, хушани чебиули ахенраяв гъясивибуси адамла хулбира, дяхира хунтендирути тухъяр. Ил тухъярличив че виаллира ванзаличи гъамвиаб». Ихала мягъна саби ванзани гъясидеш аркъяжъу. Идбаглизи ﷺ ца адамли сунес насихат барахъ

ес тиладибарибхели, Идбагли ﷺ илизи иб: «Гъяси майкълуд» или, ит адамли сунела тилади чуйнара тикрарбариб, Идбаглира ﷺ чуйнара гъясимаикълуд или иб. Гурра Идбагли ﷺ бурибсири: «Цакъси адам барбализив адамтачив чедивиркуси ахен, цакъси адам сунела гъясидеш дихлес вирусиде адам сай». Амма гъясидеш асудиротира, гъягнитира мерани лерти сари. Динла хъекъани дулухели, мискин-пакъиртала, чузиб ахъри агартала хъекъани хедалтухели гъясидеш диэс гъягнити сари. Илдирар вегъла нафс багъандан детхерар, илди Аллагъ ﷻ багъандан детарар. Гъяшанира бурули сари Идбагла ﷺ гъабигъят Къуръайчи лайкъсири, Аллагъ ﷻ разивиркахъути секълачи илра разивиркусири, Аллагъла ﷻ гъими алкъахъуси секълачи илра гъясивиклусири. Имам Шафигини ﷺ бурни хъясибли, гъясивигъс асубирусира, гъягнисира мерлав гъясихейклуси гъемхеличи цугвиркур.

Хурматла узби ва рузби!
 2015 ибил дуслис «Ас-салам» газеталис къулбасбирес даимбиубли саби.
 Газета къулбасбарес вирар чиди-дигара почтала отделилизиб. Илкъяйдали Дагъиста лерилра районтазибти нушала хъанчизартачибад.
 «Ас-салам» газета къулбасбирули, Дагъистайзиб Ислам тинтибирнилизил хушалара пай кабирхулрая...
 Къудратла Веги Аллагъли нушала урклъазиб иманра, Исламра, динничил дигира имцъадараб.
 Дусла духнар дурадлухъути газетабала багъни бузри хъясибли дарсдиклар!
 Дирхулра, нушала бучланти газета агарли кахъевлан.

Хурматла узби ва рузби!
 Динничил дархдасунти, «Ас-салам» редакциялизи яра даргала «Ас-салам» газетала редакторличил суалти лердиалли, хушани телефонна иш гъергъиси номер хъясибли занкъдяхъес дирудая:
 +7 (988) 303 00 08 (Асхаб).
 Диубсигъуна кумекбирехъе, иншаАллагъ !!!

Рузнама
Март

дни	Утрений Ас-Субхл	восх.	Обеден. Аз-Зугър	После-обеден. Аль-гласр	Вечерн. Аль-Магъриб	Ночной Аль-гъишаъ
1	04:51	06:24	13:04	15:08	17:40	19:10
2	04:49	06:23	13:04	15:09	17:41	19:11
4	04:46	06:19	13:03	15:11	17:44	19:14
6	04:42	06:16	13:03	15:12	17:46	19:16
8	04:39	06:13	13:02	15:14	17:49	19:19
10	04:35	06:09	13:02	15:15	17:51	19:21
12	04:32	06:06	13:01	15:17	17:54	19:24
14	04:28	06:02	13:01	15:18	17:56	19:26
16	04:25	05:59	13:00	15:20	17:58	19:28
18	04:21	05:55	13:00	15:21	18:01	19:31
20	04:17	05:52	12:59	15:22	18:03	19:33
22	04:13	05:48	12:58	15:24	18:05	19:35
24	04:09	05:45	12:58	15:25	18:08	19:38
26	04:05	05:41	12:57	15:26	18:10	19:40
28	04:01	05:38	12:57	15:27	18:13	19:43
30	03:57	05:34	12:56	15:28	18:15	19:45

Рузнама Мяхъячкъалала шагъарлис саби
 Рекомендовано каноническим отделом ДУМД для г. Махачкалы